



## Publicaziuns officialas dils 18-04-2019

---

### Damonda da baghegiar

Nr. 30/2019

Datum da publicaziun: 18-04-2019  
Patrun: Gienal Giuliana ed Erwin, 7175 Sumvitg  
Representant: Robert Bundi SA, 7173 Surrein  
Liug e parcellass: Via Sursilvana; 1613  
Object: sanaziun ed izolaziun dil tetg

Nr. 31/2019

Datum da publicaziun: 18-04-2019  
Patrun: Vischnaunca Sumvitg, 7175 Sumvitg  
Vischnaunca Mustér, 7180 Mustér  
Corporaziun d'aua Spina da Vin, 7180 Mustér  
Representant: Biro d'inschignier Cavigelli SA, 7130 Glion  
Liug e parcellass: Pardomat; diversas  
Object: construcziun d'ina serenera e da lingias novas da provediment

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 18-04-2019

*Cumissiun da baghegiar*

### Uras d'avertura administraziun communal

L'administraziun communal resta serrada sur Pastgas sco suonda:  
naven da **gievgia, ils 18-04-2019**, allas 17.00 uras, entochen **mardis, ils 23-04-2019** allas 08.00 uras

Nus engraziein per la buna collaboraziun e giavischein bialas fiastas da Pastgas.

Sumvitg, 18-04-2019

*Administraziun communal*

### Radunonza da vischnaunca

La proxima radunonza da vischnaunca ha liug mesjamna, ils 1 da matg 2019 allas 20.00 uras a Rabius.

### *Gliesta da tractandas*

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 14-12-2018
4. Tractaziun e concessiun dil credit brut da 250'000 francs per la planisaziun dil project Lag Salischinas

5. Tractaziun ed approvaziun dil project canalisaziun e serenera Pardomat Dado e concessiun dil credit brut da 145'000 francs
6. Tractaziun ed approvaziun dil project sanaziun mir santeri Sumvitg e concessiun dil credit brut da 960'000 francs
7. Tractaziun ed approvaziun dalla revisiun parziala dil plan general d'avertura Rabius/Marias
8. Tractaziun ed approvaziun dalla revisiun parziala dil plan general d'avertura Laus
9. Orientaziuns
10. Varia

Sumvitg, 18-04-2019

*Suprastonza communal*

### **Exposiziun publica da cooperaziun dalla planisaziun locala**

Sebasond sin art. 13 dall'ordinaziun cantunala davart la planisaziun dil territori (OPTGR) ha liug l'exposiziun da cooperaziun pertuccont la revisiun parziala dalla planisaziun locala dalla vischnaunca Sumvitg.

Project:	Revisiun parziala planisaziun locala
Acts d'exposiziun:	- rapport da planisaziun e cooperaziun - revisiun parziala dil plan general d'avertura, loipa Falens - Pardomat, 1:5'000
Cuoz da publicaziun:	18 d'avrel entochen ils 20 da matg 2019 (30 dis)
Liug e temps da publicaziun:	Canzlia communal Sumvitg, duront il temps official da spurtegl

Duront il temps da publicaziun sa mintgin inoltrar a scret propostas ed objecziuns tier la Suprastonza communal.

Sumvitg, ils 18-04-2019

Suprastonza communal Sumvitg

### **Resultats dallas elecziuns communalas dils 14-04-2019**

#### **Elecziun dil president communal**

Cedels dai giu:	394
Cedels vits:	26
<u>nunvaleivels:</u>	<u>14</u>
Cedels valeivels:	354
Vuschs valeivlas da candidats:	354
Absolut pli:	178
<i>Candinas Armin, Rabius</i>	190
Bearth Giusep, Sumvitg	39
Schaniel Patrick, Sumvitg	30
singuls	95

### **Elecziun dils geraus**

Cedels dai giu:	407
Cedels vits:	13
<u>nunvaleivels:</u>	<u>14</u>
Cedels valeivels:	380
Vuschs valeivlas da candidat:	1'267
Absolut pli:	159

<i>Bearth Giusep, Sumvitg</i>	251
<i>Candinas Robert, Surrein</i>	190
<i>Deplazes Ignaz, Surrein</i>	185
<i>Duff Marcus, Cumpadials</i>	217
singuls	424

### **Elecziun dalla cumissiun da quen e gestiun**

Cedels dai giu:	403
Cedels vits:	12
<u>nunvaleivels:</u>	<u>14</u>
Cedels valeivels:	377
Vuschs valeivlas da candidat:	970
Absolut pli:	162

<i>Damiano Michele, Rabius</i>	275
<i>Degonda Rafaela, Sumvitg</i>	241
<i>Schnoz-Flury Manuela, Rabius</i>	324
singuls	130

### **Elecziun dalla cumissiun da baghegiar**

Cedels dai giu:	403
Cedels vits:	11
<u>nunvaleivels:</u>	<u>13</u>
Cedels valeivels:	379
Vuschs valeivlas da candidat:	1'223
Absolut pli:	153

<i>Forster Ulrich, Surrein</i>	155
<i>Monn Erwin, Sumvitg</i>	328
<i>Tuor Eduard, Rabius</i>	305
<i>Veckmans Sonia, Sumvitg</i>	254
singuls	181

Sumvitg, 18-04-2019

*Il biro electoral*

### **Curdem da gronda dimensiun**

La vischnaunca organischa ina rimnada da rufid bloccont sco suonda:

**Venderdis, ils 26 d'avrel 2019 dallas 08.00 - 18.00 uras**

**Ei vegn rimnau il rufid per l'entira vischnaunca sin la piazza Igniu (spel baghetg economic)**

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m<sup>3</sup>** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regionala a Rueun. Rumians jamnils, q.v.d. rumians ch'ins dismetta el sac verd e rufid blocont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plazs da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, e.a.v.),
- tut las maschinas electronicas (computers, frestgeras, maschinas da furar, pegnas d'electricch cun e senza ieli e.a.v.),
- mobilier movibel (letg, scaffa, suppia, madrazza, teppi denton buca culau giu, e.a.v.),
- requisits per il temps liber e sport (skis, indrez da trenament, velos e.a.v.) ch'ein pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.--, cun gavegl frs. 10.--,
- per pneus da maschinas agricolas pintgas vegn incassau ina taxa da frs. 20.-- e per pneus da tracturs frs. 50.--,
- calzera da skis san vegnir dai giu en favur dalla ARGO Tavau per frs. 5.--.

**Buca** acceptau vegnan

- tuttas maschinas agricolas,
- lenna da brisch, lenna veglia, lenna da baghetg (tabliaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, stiropor, plastic, e.a.v.),
- requisits per il temps liber e sport ch'ein pli pigns che 100 cm liung / 60 cm lad / 60 cm ault e pli levs che 30 kg (bob, scarsola, calzera da rodas, aissa-rulletta e.a.v.),
- blachas da ballas da silo (verdhas ed alvas),
- curdems da baghetg (linoleums, izolaziuns, plastics, folias da tetg e da preits, e.a.v.) e curdems da fatschentas,
- curdem verd da curtin e caglias, tals curdems san vegnir transportai sin la deponia verda ad Igniu,
- cartun e pupi duei vegnir surdau alla rimnada entras la scolas resp. las uniuns.

Ils suandonts rumians vegnan rimnai cun ils rumians jamnils e basegnan las marcas sco suonda:

- sacs tochen 50 kg; 1 marca da frs. 2.50,
- rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directives en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Sumvitg, 18-04-2019

*Departament d'ambient*

## **Uniun Archiv cultural Sumvitg – invitaziun alla radunonza generala**

L'uniun Archiv cultural Sumvitg envida commembras e commembers e tut tgi che ha interess alla radunonza generala che ha liug sonda, ils **27 d'avrel 2019** allas 15.00 en casa da scola a Surrein.

Tractandas:

1. Beinvegni
2. Elecziun da dus dumbravuschs
3. Approbaziun dil protocol dalla radunonza dils 28-4-2018
4. Approbaziun dil rapport annual
5. Approbaziun dil rendaquen e dil rapport dils revisurs
6. Fixaziun dalla contribuziun annuala
7. Elecziun dalla suprastonza: president, actuar, cassier, assessurs
8. Elecziun dils revisurs da quen
9. Program da lavur
10. Orientaziuns
11. Varia

Naven dallas 14.00 e sunter la radunonza ei igl archiv aviarts per tuts interessai.

All'entschatta dalla radunonza presenta ils president da Sumvitg Turissem, Andy Monn la versiun digitala dils num local da Sumvitg. Alla fin dalla radunonza raquenta sora Gelia Degonda dalla claustra dad Ingenbohl ed oriunda da Cumpadials sur da sia veta en claustra e sias experientschas sco artista. Suenter la radunonza ein tuts envidai ad in pign apero.

*Cordialmein envida la suprastonza*

## **Uniuns da dunnas dalla vischnaunca da Sumvitg**

**Cuors: crear vasas, ruclas, scadialas eav. da betun**

Ils cuors han liug a Danis, Via Sut Baselgia 3,

**mardis, ils 7-5-2019, gievgia, ils 9-5-2019, sonda, ils 11-5-2019**, mintgamai allas 13.00 – 17.00 (las creaziuns san ins retrer l'auter di). Anna Maria Fry (tel. 0819432257 / annamaria@muntogna.ch), dat bugen bugen dapli informaziuns e pren bugen encunter Vossa annunzia entochen ils 1-5-2019. Nus selegrein sin stedia participaziun.

## **Uniun da dunnas Sumvitg/Cumpadials**

**Gentar da senioras e seniors 60+**

Has ti plascher da separticipar a nies usitau gentar da seniors che ha liug: venderdis, ils 3 da matg 2019 allas 11.30 ell'«Ustria dalla staziun» Lisa Duff pren bugen encunter ti'annunzia entochen gliendisdis, ils 29 d'avrel 2019, tel. 081 943 33 13. Nus selegrein da passentar enzacontas uras en buna cumpignia.

*Uniun da dunnas Sumvitg/Cumpadials*

## **Uniun da catschadurs Greina, Sumvitg**

**Invitaziun alla tgira da primavera**

Nus serimnein **sonda, ils 27 d'avrel** sil plaz scola a Sumvitg. Temps da lavur: 7.30–13.00. Piazza da lavur: Clavadi, Pigniu e contuorn. Uaffens: Vons, resgia da cadeina, capellina e caultschas da resgiar da segirtad. Eventual sclariment dat nies cau da tgira Corsin Giger, tel. 078 736 97 90 ni sut [www.catschadurs-greina.ch](http://www.catschadurs-greina.ch) Cun amicabels salids e sin seveser! Per la suprastonza, *il cau da tgira, Corsin Giger*

## **Pelegrinadi dalla pleiv tier fra Clau da Flia**

### **Sonda, ils 25 da matg 2019**

Nies usitau pelegrinadi dalla pleiv meina nus uonn tier fra Clau da Flia el cantun Sursilvania.

Program:

- 7.00 partenza naven da Surrein (plaz-baselgia)
- 7.05 partenza naven da Rabius (parcadi Greina)
- 7.10 partenza naven da Cumpadials (pensiun Degonda)
- 7.15 partenza naven da Sumvitg (plaz Lombris)
- 11.00 s. messa cun sur Saji ella «Grabkapelle» a Sachseln
- silsunter gentar communabel a Sachseln
- cuntinuaziun dil viadi tochen Flüeli Ranft (cun ina guida)
- retuorn a casa

Ils cuosts da viadi vegnan reparti sils participonts. Nus selegrein sin tia/Vossa annunzia tochen ils 30 d'avrel 2019.

– Rabius: Roland Maissen, tel. 081 943 12 82, 077 432 48 68

– Surrein: Doris Janka, tel. 079 515 04 92

– Sumvitg: Alice Cajacob, tel. 081 936 32 19, 078 866 74 68

Cordialmein envidan sur Saji ed il cussegl pastoral dalla pleiv Sumvitg

## **Cuors Rollatur-Fit en Casa s. Martin, Trun**

**Gievgia, ils 2 da matg** allas 14.00 en cafetaria

Il rollatur ei dapli ch'in mied d'agid! Il sempel accumpignader da carstgauns pli vegls sustegn buca mo da dumignar meglier il mintgadi e da mantener l'indipendenza, mobein sa el era vegnir applicaus sapientivamein sco utensil da trenament e da motivatur per semuentar. Enteifer quei suentermiezdi da Rollatur-Fit vegn il diever dil rollatur intermediaus a moda diversa, creativa e divertenta. Aschia sa il beinstar corporal e l'indipendenza da nossas senioras e nos seniors vegnir mantenida e migliurada. Naturalmein ein era ils confamiliars beinvegna. Cordialmein envida la Casa s. Martin e Rosita Valaulta, experta da sport per attempai.

## **Club da troccas Pigniu**

Avon che nies turnier da troccas per premis entscheiva, serimnein nus sonda, ils **20 d'avrel 2019** allas 20.00 ell'ustria «Alpina» tier la usitada sera da troccas meinsila. A tuts in cordial beinvegna.

*En num dil club Zeno*